



Til stjórnar Hollvinafélags Menntaskólans í Reykjavík

Reykjavík, 30. maí 2015

Undirritaður er afar hræður yfir þeim mikla stuðningi sem stúdentar frá Menntaskólanum í Reykjavík sýndu við söfnun Hollvinafélags Menntaskólans í Reykjavík í vor. Við skólaslit í gær var skólanum afhent gjöf að upphæð kr. 3.5000.000. Þessi höfðinglega gjöf gerir okkur kleift að útbúa aðaltölvuver skólans nýjustu og bestu tölvum sem völ er á.

Stuðningur og tryggð afmælisstúdenta á undanförunum árum og Hollvinafélags Menntaskólans í Reykjavík er skólanum ómetanlegur stuðningur og gerir skólanum kleift að bjóða nemendum upp á aðstæður til náms eins og best verður á kosið.

Afmælisstúdentar hafa ávallt sýnt sínum gamla skóla mikla tryggð og á síðustu tveimur áratugum hafa afmælisstúdentar tekið höndum saman til að styrkja afar brýn verkefni skólans sem annars hefði ekki verið unnt að framkvæma með því rekstrarframlagi sem skólinn fær frá ríkisvaldinu. Hér hef ég einkum í huga söfnun til margmiðlunarvers á 150 ára afmæli skólans, sem gerði skólanum kleift að setja upp margmiðlunarver við skólann og leggja ljósleiðaralagnir um Menntaskólaþorpið og tölvuvæða þannig skólann, söfnun afmælisstúdenta á árunum 2002-2012 við endurgerð Skólaselsins í Hveragerði, söfnun til tækjakaupa í raungreinastofum og nú síðast vegna endurnýjunar tölvuversins auk ótal annarra verkefna.

Ég er stjórn Hollvinafélags Menntaskólans í Reykjavík afar þakklátur fyrir að standa fyrir söfnuninni í vor og fyrir þessa rausnarlegu gjöf. Ég þakka innilega fyrir hönd skólans hlýjan hug ykkar í hans garð og ræktarsemi við hann. Stuðningur ykkar er mikils metinn og er skólanum afar mikils virði.

Virðingarfyllt,



Yngvi Pétursson rektor

Menntaskólans í Reykjavík